

OFFICIA PROPRIA

DIOECESIS BRIXINENSIS

Imprimatur.

Brixinae, 1. Novembris 1914.

† FRANCISCUS, Epps.

PARS VERNÆ

BRIXINÆ

NOVEMBRI

KALENDARIUM PERPETUUM  
IN USUM  
DIOECESIS BRIXINEN.

PARS VERNÆ.

**Februarius.**

- S. Joannis de Matha C. dupl.
- S. Cyrilli E. Alexandrini, C. Eccl. D. dupl. com. s. Apolloniæ V. M.
- S. Scholasticæ V. dupl.
- Apparitionis BMV. Immaculatæ, dupl. maj.
- Ss. Septem Fundatorum Ordinis Servor. BMV., Cc. dupl.
- S. Valentini Presbyt. M. simpl.
- Ss. Faustini et Jovitæ Mm. simpl.
- S. Simeonis E. M. simpl.

- Cathedra s. Petri Antiochiæ, dupl. maj. com. s. Pauli Ap.
- S. Petri Damiani E. C. Eccl. D. dupl.
- S. Mathiæ Ap. dupl. 2. class.

**Martius.**

- S. Casimiri C. sem. com. s. Lucii I. Pp. M.
- Ss. Perpetuæ et Felicitatis Mm. dupl.
- S. Thomæ de Aquino C. Eccl. D. dupl.
- S. Joannis de Deo C. dupl.
- S. Francisæ Romanæ Vid. dupl.
- Ss. Quadraginta Mm. sem.
- S. Gregorii I. Pp. C. Eccl. D. dupl.

- 16.
17. S. Patricii E. C. dupl.
18. S. Cyrilli E. Hierosol., C. Eccl. D. dupl.
19. S. Joseph, Sponsi BMV., C. dupl. 2. class.
- 20.
21. S. Benedicti Abb. dupl. maj.
- 22.
- 23.
- 24.
25. Annuntiatio BMV. dupl. 1. class.
- 26.
27. S. Joannis Damasceni C. Eccl. D. dupl.
28. S. Joannis a Capistrano C. sem.
- 29.
- 30.
- 31.

**Festum mobile.**

Feria VI. post Domin. Passionis. Septem Dolorum BMV. dupl. com. Fertæ.

**Aprilis.**

- 1.
2. S. Francisci de Paula C. dupl.
- 3.
4. S. Isidori E. C. Eccl. D. dupl.
5. S. Vincentii Ferrerii C. dupl.
- 6.
- 7.
- 8.
- 9.
- 10.
11. S. Leonis I. Pp. C. Eccl. D. dupl.
- 12.
13. S. Hermenegildi M. sem.
14. S. Justini M. dupl. com. ss. Tiburtii et Soc. Mm.
- 15.
- 16.
17. S. Aniceti Pp. M. simpl.
- 18.
19. S. Geroldi C. dupl.
- 20.
21. S. Anselmi E. C. Eccl. D. dupl.
22. Ss. Soteris et Caji Pp. Mm. sem.
23. S. Georgii M. sem.
24. S. Fidelis a Sigmaringa M. dupl.
25. S. Marci Evang. dupl. 2. class.
26. Ss. Cleti et Marcellini Pp. Mm. sem.
- 27.
28. S. Pauli a Cruce C. dupl. com. s. Vitalis M.
29. S. Petri M. dupl.
30. S. Catharinæ Senen. V. dupl.

**Festa mobilia.**

Sabb. ante Domin. II. post Pascha. Translatio s. Cassiani E. Patroni princ. Diocesis. dupl. 1. class. cum oct. commun.

Sabb. ante Domin. III. post Pascha. Octava s. Cassiani E. M. dupl. maj. com. oct. s. Joseph.  
Feria 4. infra Hebdom. II. post oct. Pasch. Solemnitas s. Joseph, Sponsi BMV. C. et Eccl. univers. Patroni dupl. 1. class. cum oct. commun.  
Fer. 4. infra Hebdom. III. post oct. Pasch. Octava s. Joseph C. dupl. maj.

**Majus.**

1. Ss. Philippi et Jacobi App. dupl. 2. class.
2. S. Athanasii E. C. Eccl. D. dupl.
3. Inventio s. Crucis dupl. 2. class. com. ss. Alexandri I. Pp. et Soc. Mm.
4. S. Monicæ Vid. dupl.
5. S. Pii V. Pp. C. dupl.
6. S. Joannis ante Portam Latinam dupl. maj.
7. S. Stanislai E. M. dupl.
8. Apparitio s. Michaëlis Archang. dupl. maj.
9. S. Gregorii Nazianzeni E. C. Eccl. D. dupl.
10. S. Antonini E. C. dupl. com. ss. Gordiani et Epimachi Mm.
- 11.
12. Ss. Nerei, Achillei et Domitillæ V. atque Pancratii Mm. sem.
- 13.
14. S. Bonifacii M. simpl.
15. S. Joannis Baptistæ de la Salle C. dupl.
16. S. Joannis Nepomuceni M. dupl. com. s. Ubaldi E. C. (semid.).
17. S. Paschalis Baylon C. dupl.
18. S. Venantii M. dupl.
19. S. Petri Cælestini Pp. C. dupl. com. s. Pudentianæ V.
20. S. Bernardini Senensis C. sem.
- 21.
- 22.
- 23.
- 24.
25. S. Gregorii VII. Pp. C. dupl. com. s. Urbani I. Pp. M.
26. S. Philippi Neri C. dupl. com. s. Eleutherii Pp. M.
27. S. Bedæ Venerabilis C. Eccl. D. dupl. com. s. Joannis I. Pp. M.
28. S. Augustini E. C. dupl.
29. S. Mariæ Magdalænæ de Pazzis V. sem.
30. S. Felicis I. Pp. M. simpl.
31. S. Angelæ Mericiæ V. dupl. com. s. Petronillæ V.

**Festum mobile.**

Feria 6. post octav. Corp. Christi. Sacratissimi Cordis Jesu. dupl. 1. class.

**Junius.**

- 1.
2. Ss. Marcellini, Petri atque Erasmi Mm. simpl.
- 3.
4. S. Francisci Caracciolo C. dupl.
5. S. Bonifacii E. M. dupl.
6. S. Norberti E. C. dupl.
- 7.
- 8.

9. Ss. Primi et Feliciani Mm. simpl.
10. S. Margaritæ Reginæ Vid. sem.
11. S. Barnabæ Ap. dupl. maj.
12. S. Joannis a s. Facundo C. dupl. com. ss. Basilidis et Soc. Mm.
13. S. Antonii de Padua C. dupl.
14. S. Basilii Magni E. C. Eccl. D. dupl.
15. Ss. Viti et Soc. Mm. simpl.
- 16.
- 17.
18. Ss. Marci et Marcelliani Mm. simpl.
19. S. Julianæ de Falconeriis V. dupl. com. ss. Gervasii et Protasii



## OFFICIA PROPRIA SANCTORUM DIOECESIS BRIXINENSIS.

### PARS VERNA.

Die 19. Aprilis.

#### S. Geroldi Confessoris.

Duplex.

Oratio.

**A**désto, Dómine, supplicationibus nostris, quas in beáti Geróldi Confessoris tui solemnitate deférimus: ut qui nostræ justitiæ fidúciã non habémus; ejus qui tibi plácuít, préciibus adjuvémur. Per Dóminum.

In I. Nocturno Lectiones de scriptura occurrente.

In II. Nooturno.

Lectio iv.

**G**eróldus, ex Saxóniæ Ducum stirpe et familia oriúndus, ejúsque

gentis Dux trigésimus octávus, spretis mundi vanitatibus et illecebris, eo loco proposuit vitam ágere eremiticã, in quo dedúctus secum aséllus cum sarcina consedisset; qui cum in vallem Drusiãnam usque ad locum Friésa dictum ad quercum antiquãm pervénisset, ibidem suo dómíno, quo institútum suum perficere posset, sub ónere quiéscens, locum osténdit.

**R.** Honéstum fecit illum Dóminus et custodívit eum ab inimicis et a seductóribus tutávit illum: **\* Et dedit illi claritátem ætérnam, allelúja. V.** Justum dedúxit Dóminus

per vias rectas et ostendit illi regnum Dei. Et.

**Lectio v.**

**Q**uem postea ibi commorantem duo filii Cuno et Udalricus, summo revisendi patris desiderio ducti, longo post temporis intervallum, diu multumque quæsitum, tandem miraculis et vitæ sanctitate celebrem repererunt, idque magno suo bono: patris enim exemplo sancto provocati, eandem sibi vivendi rationem indixerunt, ibidemque, mundi curis omnibus proscriptis, totos se vigiliis precibusque manciparunt. Quos tres Dei servitio ita simul adiectos Otto, Jagdbergæ Comes, ex Montfortium Comitum familia, quondam in venatione indicio canum repertos summe admiratus amicissimèque complexus, in singulari deinceps habuit veneratione: cujus etiam liberalitate Geroldus mona-

steriolum ibidem, hodie ex Sancti nomine: Præpositura sancti Geroldi nuncupatum, condidit.

**R.** Amavit eum Dominus et ornavit eum, stolam gloriæ induit eum \* Et ad portas paradisi coronavit eum, alleluja. **V.** Induit eum Dominus lorricam fidei et ornavit eum. Et ad portas.

**Lectio vi.**

**C**um autem sanctus Geroldus persensit appropinquare sibi vitæ terminum, evulsis aliquot terræ, quam incollebat, cespitibus et imperam conjectis, comitantibus filiis ad eremum Divæ Virginis vulgo Einsiedeln concessit et ad altare Deiparæ se, liberos et fundum, de quocæspites erant asportari, sedemque dedit et dicitur: brevique Friésæ unde venerat, reversus ibidem vitam circa annum nongentesimum septuagesimum octavam

décimo tertio Kalendas Maji terminavit eodem loco sepultus. Filii postea, in eremo habitu sancti Benedicti sumpto, non absque sanctitatis fama mortui, Friésæ uterque, Udalricus quidem in æde paterna, Cuno vero in sacello divi Antonii sepultus est.

**R.** Iste homo perfecit omnia, quæ locutus est ei Deus et dixit ad eum: ingredi in requiem meam \* Quia te vidi iustum coram me ex omnibus gentibus alleluja. **V.** Iste est, qui contempsit vitam mundi et pervenit ad cælestia regna. Quia. Gloria Patri. Quia.

**In III. Nooturno.**

Lectio sancti Evangelii secundum Lucam.

**Lectio vii. Cap. 19.**

In illo tempore: Dixit Jesus discipulis suis parabolam hanc: Homo quidam nobilis abiit in regionem longinquam ac-

cipere sibi regnum et reverti. Et reliqua.

**Homilia sancti Augustini Episcopi.**

In questionibus in Evangel. sec. Luc. quæst. 46.



**H**omo iste nobilis ipse Dominus noster Jesus Christus intelligitur, regio longinqua Ecclesia gentium usque ad fines terræ; reverti tamen se dicit: abiit enim, ut plenitudo gentium intraret: revertetur, ut omnis Israël salvus fiat. Per decem mnas legem significat propter decalogum, quibus sub illa positus gratia prædicata est: sic enim intelligendum est: eis datas mnas ad usum, cum intellèxerint, eam ipsam legem, remoto velamine, ad Evangelium pertinere. Cives ejus, qui post eum miserunt legationem, dicentes, se nolle, ut regnet sibi, Judæi sunt, qui etiam

post resurrectionem ejus miserunt persecutores Apóstolis et prædicationem Evangelii respuerunt.

**R.** Iste est, qui ante Deum magnas virtutes operatus est, et de omni corde suo laudavit Dominum: \* Ipse intercedat pro peccatis omnium populorum, alleluja. **V.** Ecce homo sine querela, verus Dei cultor, abstinens se ab omni opere malo et permanens in innocentia sua. Ipse.

#### Lectio viii.

**R**edit autem accepto regno, quia in manifestissima et eminentissima claritate venturus est, qui eis humilis apparuit, cum diceret: regnum meum non est de hoc mundo. Quod autem servi reddentes rationem ex eo, quod acceperant, laudantur, qui lucrati sunt, significat, eos bonam reddere rationem, qui bene usi sunt eo, quod

acceperunt, ad augendas divitias Domini per eos, qui credunt in eum: quod qui facere nolunt, in illo significati sunt, qui vitam suam in sudario servavit.

**R.** Sint lumbi vestri præcincti, et lucernæ ardentes in manibus vestris: \* Et vos similes hominibus expectantibus dominum suum, quando revertatur a nuptiis, alleluja. **V.** Vigilate ergo, quia nescitis, qua hora Dominus vester venturus sit. Et. **Gloria Patri.** Et.

#### Lectio ix.

**S**unt enim homines hactenus, ut dicant, sufficientes, ut de se unusquisque rationem reddat: quid opus est aliis prædicare, ut etiam de ipsis rationem reddere quisque cogatur? cum apud Dominum etiam illi sint inexcusabiles, quibus lex data non est, neque audito Evangelio

dormierunt: quia per creaturam poterant cognoscere Creatorem, cujus invisibilia, a constitutione mundi per ea, quæ facta sunt, intellecta conspiciuntur. Hoc est enim quasi metere, ubi non seminavit, id est, etiam eos impietatis reos tenere, quibus verbum legis aut Evangelii non ministratum est. Hoc autem veluti periculum iudicii devitantes, pigro languore a verbi ministracione conquiescunt: et hoc est, quasi in sudario ligare, quod acceperunt. **Te Deum.**

#### Festum Mobile.

Sabbato ante Domin. II. post Pascha.

#### Translatio S. Cassiani Episc., Mart., Patroni princip. Diocesis.

Duplex 1. class. cum Oct. communi.

Omnia de Communi unius Martyris tempore Paschali, præter sequentia.

#### In utrisque Vesperis et Laudibus.

**V.** Ora pro nobis, sancte Cassiane, alleluja. **R.** Ut digni efficiamur promissionibus Christi, alleluja.

#### Oratio.

**O**mnipotens sempiternus Deus, qui beatum Cassianum Pontificem martyrii corona decorasti: concede, propitius; ut, cujus Sollemnia colimus, ejus Patronia sentiamus. Per Dominum.

#### In I. Nocturno.

De Actibus Apostolorum.

#### Lectio i. Cap. 20.



Mileto Paulus mittens Ephesum, vocavit majores natu Ecclesiae, qui cum venissent ad eum, et simul essent, dixit eis: Vos scitis a prima die, qua ingressus sum in Asiam, qualiter vobiscum per omne tempus fuerim, serviens Domino cum omni hu-

militate, et lacrimis, et tentationibus, quae mihi acciderunt ex insidiis Judaeorum: quomodo nihil subtraxerim utilium, quo minus annuntiarem vobis, et docerem vos publice et per domos, testificans Judaeis atque gentilibus in Deum poenitentiam, et fidem in Dominum nostrum Jesum Christum. Et nunc ecce alligatus ego spiritu, vado in Jerusalem: quae in ea ventura sint mihi, ignorans: nisi, quod Spiritus Sanctus per omnes civitates mihi protestatur, dicens: quoniam vincula, et tribulationes Jerosolymis me manent. Sed nihil horum vereor: nec facio animam meam pretiosorem, quam me, dummodo consummum cursum meum, et ministerium verbi, quod accepi a Domino Jesu testificari Evangelium gratiae Dei.

**R.** Beatus vir, qui metuit Dominum, alleluja. \*

In mandatis ejus cupit nimis. alleluja, alleluja, alleluja. **V.** Gloria et divitiae in domo ejus, et justitia ejus manet in saeculum saeculi. In mandatis.

### Lectio ii.

**E**t nunc ecce ego scio. quia amplius non videbitis faciem meam vos omnes, per quos transivi praedicans regnum Dei. Quapropter contestor vos hodierna die, quia mundus sum a sanguine omnium. Non enim subterfugi, quo minus annuntiarem omne consilium Dei vobis. Attendite vobis, et universo gregi, in quo vos Spiritus Sanctus posuit Episcopos regere Ecclesiam Dei, quam acquisivit sanguine suo. Ego scio, quoniam intrabunt post discessionem meam lupi rapaces in vos, non parcetes gregi. Et ex vobis ipsis exsurgent viri loquentes perversa, ut abducant discipulos post

se. Propter quod vigilate, memoria retinentes, quoniam per triennium nocte et die non cessavi, cum lacrimis monens unumquemque vestrum.

**R.** Tristitia vestra, alleluja \* Convertetur in gaudium, alleluja, alleluja. **V.** Mundus autem gaudabit, vos vero contristabimini, sed tristitia vestra. Convertetur.

### Lectio iii.

**E**t nunc commendo vos Deo, et verbo gratiae ipsius, qui potens est aedificare, et dare hereditatem in sanctificatis omnibus. Argentum et aurum aut vestem nullius concupivi, sicut ipsi scitis: quoniam ad ea, quae mihi opus erant, et his qui mecum sunt, ministraverunt manus istae. Omnia ostendi vobis, quoniam sic laborantes, oportet suscipere infirmos, ac meminisse verbi Domini Jesu, quoniam ipse dixit: Beatus

est magis dare, quam accipere. Et cum haec dixisset, positis genibus suis oravit cum omnibus illis. Magnus autem fletus factus est omnium: et procumbentes super collum Pauli osculabantur eum, dolentes maxime in verbo, quod dixerat, quoniam amplius faciem ejus non essent visuri. Et deducebant eum ad navem.

**R.** Pretiosa in conspectu Domini, alleluja \* Mors Sanctorum ejus, alleluja **V.** Custodit Dominus omnia ossa eorum, unum ex his non conteretur. Mors. Gloria Patri. Mors.

### In II. Nooturno.

Sermo S. Petri Damiani de S. Cassiano Martyre.

### Lectio iv.

**A**dmirabilis, et gloriosa nostra dispensatio Conditoris, fratres carissimi, ita cursum nostrae mortalitatis instituit, ut per succedentium vicissitu-

dines tēporum divē-  
sæ nobis victoriosum  
militum Christi festivi-  
tates occurrant, quæ no-  
stros animos ad amorem  
illius summæ et conti-  
nuæ solemnitatis accen-  
dant. Plane cum totius  
anni circulum triumphā-  
libus modo Mārtirum,  
modo Confessorum titu-  
lis Deus omnipotens vá-  
riat: quid aliud, quam  
velut sertum glóriæ cón-  
struit, quod átique de-  
córa liliórum, atque ro-  
sárum varietáte depin-  
gitur.

**R.** Lux perpétua lucē-  
bit sanctis tuis, Dómine.  
\* Et æternitas tēpo-  
rum, allelúja. **V.** Lætítia  
sempitérna erit super  
cápita eórum, gáudium,  
et exultatióem obtiné-  
bunt. Et æternitas.

**Lectio v.**

**I**nter quas festivitates,  
et hodiérna non ignó-  
bilis est. Cassiáni scilicet  
Mārtiris, qui pro-  
fécito Regis æterni stre-  
nuissimus bellátor di-

vērsis subjácuit suppli-  
ciis. Enim vero Cassi-  
anus, cui famulatúrus est  
sermo, diu quidem lá-  
tuit, sed cum ad certá-  
men pervéntum est, quid  
acrimóniæ, quid sapóris,  
quid fortitúdinis granum  
sinápis occultáret, apé-  
ruit. Imo juxta nóminis  
sui præságium, cum in  
passiónis pila persecu-  
tórum máribus pinsi cœ-  
pit, et áteri, mox fra-  
grántiam odoríferæ suav-  
vitátis, quæ in se late-  
bat, aspérsit. Cássia si-  
quidem spécies est aro-  
mática, quæ integra qui-  
dem nullius esse videtur  
odóris, trita autem  
naturalis vim suavitátis  
emittit.

**R.** In servis suis, alle-  
lúja. \* Consolábitur Deus,  
allelúja. **V.** Judicábit Dó-  
minus pópulum suum.  
et in servis suis. Con-  
solábitur.

**Lectio vi.**

**B**eátus itaque Cassi-  
anus, ut gestórum il-  
lius testátur história, dum

scholárum Doctor exsi-  
deret, brevibusque notis  
verba comprehendere  
veros erudiret, pro fide  
Christi ad quæstióem  
deductus est. Cumque  
elo succensus fidei jú-  
dicum decreta contémne-  
ret, et sacrificia profána  
calcáret, discipulorum  
mánibus ad cruciándum  
tráditus est; ut illis ver-  
sa vice pœnas exsólve-  
ret, quos ipse dudum  
sub disciplinæ férula te-  
nuisset. Mox itaque in-  
dumentis exúitur máni-  
bus post terga ligátur,  
armáto stylis, et tábulis  
puerorum furéntium ág-  
mine circumfúnditur: qui  
indique compúctus, at-  
que discérptus, toto cór-  
pore lacerátur. Novum  
plane et inusitátum ge-  
nus mártirii insignem Deo  
Mártirem consecrávit.

**R.** Filiæ Jerúsalem ve-  
nite et vidéte Mártires  
cum corónis, quibus co-  
ronávit eos Dóminus \*  
in die solemnitatis et  
lætítiæ, allelúja. **V.** Quo-

niam confortávit seras  
portárum tuárum, bene-  
dixit filios tuos in te. In.  
Gloria Patri. In.

**In III. Nocturno.**

**Lectio sancti Evangélii  
secúndum Matthæum.**

**Lectio vii. Cap. 10.**

**I**n illo tēpore: dixit  
Jesus discipulis suis:  
Cum persecúentur vos  
in civitáte ista, fúgite in  
áliam. Et réliqua.

**Homília sancti Athanasii  
Epíscopi.**

**I**n lege præcép-  
tum erat, ut con-  
stitueréntur ci-  
vitates refugiórum, ut,  
qui quomodocúmque ad  
necem quæreréntur, ser-  
vári possent. In con-  
summatione porro sæcu-  
lórum cum advenisset  
illud ipsum verbum Pa-  
tris, quod Moysi ántea  
locútum fúerat, rursus  
hoc præcépum dedit:  
cum vos, inquit, per-  
secúti fúerint in civitáte  
ista, fúgite in áliam,

pauloque post subjicit: cum vidéritis illam abominatióem desolatiónis, quæ dicta est per Daniélem Prophétam consisténtem in loco sancto (qui legit, intélligat), tunc qui in Judæa sunt, fugiant ad montes, et qui in tecto est, ne descendat tollere áliquid de domo sua: et qui in agro est, non revertátur tollere tunicam suam.

**R.** Ego sum vitis vera et vos pálmities, \* Qui manet in me, et ego in eo, hic fert fructum multum, allelúja, allelúja. **V.** Sicut diléxit me Pater, et ego diléxi vos. Qui.

#### Lectio viii.

**H**æc cum scirent Sancti, ejúsmodi tenuérunt suæ conversatiónis institútum. Quæ enim nunc præcépít Dóminus, eadem quoque ante suum in carne advéntum locútus est in sanctis: et hoc institútum homínes ad perfectiõem ducit.

Nam quod Deus jússet, id omnino faciéndum est. Ideoque et ipsum Verbum, propter nos homínum factum non indignum putávit, cum quærerétur, quemádmódum et nos, abscondere se; et cum persecutióem paterétur, fugere, et insidias declináre: cum autem a se definitum tempus ipse adduxisset, in quo corporaliter pro omnibus patí volébat, ultro se ipsum tradidit insidiántibus.

**R.** Cándidi facti sunt Nazaræi ejus, allelúja. Splendórem Deo dedérunt, allelúja. \* Et sicut lac coaguláti sunt, allelúja, allelúja. **V.** Cándidióres nive, nitidióres lacte, rubicundióres ebore antiquo, sapphíro pulchrióres. Et sicut, Glória Patri. Et sicut.

#### Lectio ix.

**A**t vero sancti homínes, cum hanc formam quoque a Salvatore didicissent (ab ipso enim

et ántea, et semper omnes docebantur) adversus persecutores, ut legitime certarent, fugiebant, et ab illis quæsiti, se abscondébant. Cum enim præstitúti sibi a divina providéntia temporis finem ignorarent: volébant insidiántibus se temere trádere: sed contra, cum scirent, quod scriptum est, in mánipulis Dei esse hominum sortes, et Dóminum mortificáre, et vivificáre; potius in finem usque perseverábant, et circumfúntes, ut ait Apóstolus, in melótis, et péllibus caprinis egéntes, angustíati, in solitudínibus errántes, et in spelúncis et cavernis terræ laténtes, quoad vel definitum mortis tempus veniret, vel qui tempus ipsum definierat Deus, cum eis loquerétur, et insidiántes prohiberet, aut certe persecutoriis eos tráderet, utcumque illi placuisset. Te Deum.

In 2. V. com. Dom. 2. p. Pasch.

**Ant.** Ego sum pastor ovium, ego sum via, veritas et vita: ego sum pastor bonus et cognosco oves meas, et cognoscent me meæ, allelúja, allelúja. **V.** Mane nobiscum Dómine, allelúja. **R.** Quóniam advesperáscit, allelúja.

#### Oratio.

**D**eus, qui in Filii tui humilitate jacéntem mundum erexisti: fídelibus tuis perpétuam concéde lætítiam; ut quos perpétuæ mortis eripuisti cásibus, gáudiis fácias pérfrui sempitérnis. Per eúmdem Dóminum.

Feria II. infra Octavam  
**Translat. S. Cassiani.**

Infra octav. et in die octava ant. psl. ad omnes Horas et **V.** ad Matut. ex psalterio.

In I. Nocturno Lectiones de Scriptura occurrente cum **R-R.** de feria.



**In II. Nocturno.**

De Sermóne sancti Pe-  
tri Damiáni de sancto  
Cassiáno Mártire.

**Lectio iv.**

idétur autem hæc  
Martyrii spécies  
ad similitúdi-  
nem comparándam nulli  
mélius posse congruere,  
quam ipsi Regi Márti-  
rum Dómino Salvatóri.  
Nam et ille a suis disci-  
pulis occisus est, Judæis  
videlicet, quibus præ-  
cepta decalogi próprio  
digito descripta tradide-  
rat, quos cæremóniis suis,  
sacrificiorúmque ritibus  
instrúxerat: quos certe  
ad omnem vivéndi recti-  
túdinem tamquam tene-  
ros sub disciplína púeros  
informáverat. Sicut ipse  
per Isaiam dicit: Filios  
enutrivi, et exaltávi: ipsi  
autem spreverunt me.  
Nam et illi carnáles Isra-  
elítæ puerórum nómine  
digni fúerant, qui man-  
dáta legis Prophetarúm-  
que mystéria non senili

gravitate pensábant; sed  
ómnia superficie tenus  
ac pueriliter intelligébant.

**R.** Lux perpétua lucé-  
bit sanctis tuis Dómine.

\* Et ætérnitas témpo-  
rum, allelúja, allelúja. **V.**  
Lætitia sempitérna erit  
super cápita eórum, gån-  
diuru et exultatiónem  
obtinébunt. Et ætérnitas.

**Lectio v.**

**Q**uod cum diversa  
scripturarúm possit  
auctoritate firmári, ut  
tantum sufficiat hic ap-  
pónere, quod Elisæus  
Prophétæ légitur contem-  
pserat. Nam cum ascen-  
deret per viam, que  
ducit Bethel, púeri par-  
vi egréssi de civitate il-  
ludébant ei: dicentes:  
ascende calve, ascende  
calve. Qui cum respe-  
xisset, vidit eos, et ma-  
ledixit eis in nómine  
Dómini. Moxque scrip-  
tura subjúngit: quia e-  
gréssi sunt duo ursi de  
saltu, et laceravérunt eis  
quadraginta duos pu-

eros. Sane quid per Eli-  
sæum, nisi mediátor Dei  
et hóminum debet intél-  
ligi? Quid vero per  
Bethel, quæ domus Dei  
interpretátur, nisi beati-  
tudo cœlestis exprimitur?  
Per viam ergo, quæ du-  
cit Bethel, Redemptor  
noster ascendébat, quan-  
do passióni appropin-  
quábat; sicut jam in  
ipsa sacrosáncta et my-  
stica cœna dixit disci-  
pulis suis: Vado ad eum,  
qui misit me.

**R.** In servis suis, alle-  
luja, \* Consolábitur Deus,  
allelúja. **V.** Judicábit Dó-  
minus pópulum suum,  
et in servis suis. Con-  
solábitur.

**Lectio vi.**

**S**ed dum ascendit Be-  
thel, id est, dum per  
sacratíssimæ passiónis  
suæ mystérium redire  
conténdit ad Patrem,  
pueri parvi egréssi de  
civitate, illúdunt ei di-  
centes: Ascende calve,  
ascende calve. Quia Ju-

dæi omnis gravitátis, et  
sapiéntiæ pónere vácuí,  
illáque puerítia párvuli,  
de qua dicitur: male-  
dictus puer centum an-  
nórum; eum ad locum,  
qui dicitur Calváriæ, pér-  
trahunt, atque advérsus  
eum viperinis irrisiónum,  
et opprobriórum fúriis  
inardéscunt. Calváriæ  
autem locus ille dicebá-  
tur a calvitiis amputátis,  
qui illic damnáti decol-  
lári consuéverant.

**R.** Filiæ Jerúsalem, ve-  
nite et vidéte Mártires  
cum coronis, quibus co-  
ronávit eos Dóminus \*  
In die solemnitétis et  
lætitíæ, allelúja. **V.** Quo-  
niam confortávit seras  
portarúm tuarúm, bene-  
dixit filios tuos in te. In.  
Glória Patri. In.

**In III. Nooturno.**

**L**ectio sancti Evangélii  
secúndum Matthæum.

**Lectio vii. Cap. 10.**

**I**n illo témpore: dixit  
Jesus discipulis suis:  
Cum persequéntur vos



rum puerorum numerus signatur annorum. Quadragésimo secundo quippe anno post Domini Passionem, sicut historiæ tradunt, Titus et Vespasianus, duo reges de silvis gentium, tamquam duo feroces ursi de saltu ferarum dilaceraverunt pueros, quia venientes ad excidium Jerusalem debellaverunt in furore Judæos.

**R.** Lux perpétua lucébit sanctis tuis, Domine, \* Et æternitas temporum, allelúja, allelúja. **V.** Lætitia sempiterna erit super capita eorum. gaudium, et exultationem obtinebunt. Et æternitas.

**Lectio v.**

**P**er pueros ergo significati sunt, qui Dominum crucifixerunt; pueri quoque sunt, qui beatum Cassianum Martyrem occiderunt. Utraque scilicet non innocens pueritia sed artifex, et venenosa malitia. Occisus est Christus pro

Cassiano, occisus est Cassianus pro Christo. Dominus pro servo, et servus pro Domino: dicebat enim: Quid retribuam Domino pro omnibus, quæ retribuit mihi? Calicem salutaris accipiam, et nomen Domini invocabo.

**R.** In servis suis, allelúja. \* Consolabitur Deus, allelúja. **V.** Judicabit Dominus populum suum, et in servis suis. Consolabitur.

**Lectio vi.**

**S**ed ille mori dignatus est, ut hunc de subjugio ferreo servitutis educeret, isti mori donatum est, ut ad hereditatem filiorum, cui adscriptus erat, cum gloria perveniret. Ille suscepit mortem, ut mortem sua carne destrueret; iste mori non timuit, ut ad auctorem vitæ triumph sui victor insignia reportaret; ille persecutores habuit, quos creaverat; iste eos carnifices

percutit, quos docebat. Sed Christus in Martyre suo pugnabat, qui pugnandi vires administrabat: in eo solus ipse vincebat, qui illum inter certamen roborabat. Nam et tota universalis Ecclesia virtutum armis accincta, contra diabolum per totum mortalis vitæ hujus excursus in Christo dimicat: in Christo semper non sua, sed ejus virtute triumphat. Hanc plane ex antiquo hoste victoriam, quia noluit Synagoga, suscepit Ecclesia.

**R.** Filie Jerusalem, venite et videte Martyres cum coronis, quibus coronavit eos Dominus \* In die solemnitatis et lætitiæ, allelúja. **V.** Quoniam confortavit seras portarum tuarum, benedixit filios tuos in te. In. Gloria Patri. In.

**In III. Nooturno.**

Lectio sancti Evangelii secundum Matthæum.

**Lectio vii. Cap. 10.**

**I**n illo tempore dixit Jesus discipulis suis: Cum persequerentur vos in civitate ista, fugite in aliam. Et reliqua.

Homilia sancti Hieronymi Presbyteri.

Ex comm. in Matth. c. 10. l. 1.



**E**t quomodo in presenti sæculo multorum vitia nesciuntur? Sed de futuro sæculo scribitur: Quando judicabit Deus abscondita hominum, et illuminabit latebras tenebrarum, et manifestabit consilia cordium. Et est sensus: Nolite timere persecutorum sævitiam, et blasphemantium rabiem: quia veniet dies judicii, in quo vestra virtus et eorum nequitia demonstrabitur. Quod dico vobis in tenebris, dicite in lumine; et quod in aure auditis, predicatè super tecta. Quod auditis in mysterio, apertius predicatè: quod di-

scitis abscondite, publice loquimini: quod vos erudivi in parvulo Judææ loco in universis urbibus et in toto mundo audacter dicite.

**R.** Ego sum vitis vera et vos palmites, \* Qui manet in me, et ego in eo, hic fert fructum multum, allelúja, allelúja. **V.** sicut dilexit me Pater, et ego dilexi vos. Qui.

**Lectio viii.**

**E**um timete, qui potest animam et corpus perdere in gehennam: Nomen gehenna in veteribus libris non invenitur, sed primum a Salvatore ponitur. Queramus ergo, quæ sit sermonis hujus occasio. Idolum Baal juxta Jerusalem, ad radicem montis Mória, in quibus Siloe fluit, non semel legimus. Hæc vallis, et parvi campi planities irrigua erat, et nemorosa, plènaque deliciis lucusque in ea idolo consecratus erat. In tantam autem

deméntiam populus venerat, ut deserta templi vicinia, tibi hostias immolaret, et rigorem religionis deliciae vince- rent, filiosque suos demóniis iucenderent vel initiarent: et appellabatur locus iste Gehennon. id est, Vallis filii Hennon.

**R.** Cándidi facti sunt Nazaréi ejus, allelúja. Splendorem Deo dedérunt, allelúja. \* Et sicut lac coagulati sunt, allelúja, allelúja. **V.** Cándidióres nive, nitidióres lacte, rubicundióres ebore antiquo, sapphiro pulchrióres. Et sicut. **G**loria Patri. Et sicut.

**Lectio ix.**

**F**utura ergo supplicia et pœnæ perpétua, quibus peccatores cruciandi sunt, hujus loci vocabulo denotantur. Duplicem autem esse gehennam nimii ignis et frigoris, in Job plenissime legimus. Quod autem ait: Vestri autem capitis omnes numerati

sunt; derident intelligentiam ecclesiasticam in hoc loco, qui carnis resurrectionem negant: quasi et nos capillos, qui numerati sunt, et a tonsore decisi, omnes dicamus resurgere: cum Salvator non dixerit: Vestri autem capilli capitis omnes salvandi sunt, sed, numerati sunt. Ubi numerus, et scientia numeri demonstratur, non ejusdem numeri conservatio. **T**e Deum.

**Feria IV. infra oct. nihil fit de oct. s. Cassiani; fer. V. et VI. fit tantum com. s. Cassiani.**

Sabbato, i. e. in die Octava

**Translat. s. Cassiani**

**Duplex maj.**

**In I. Nocturno** Lectiones de Scriptura occurrente cum **R. B.** de feria.

**In II. Nocturno.**

De Sermone sancti Petri Damiani de sancto Cassiano Mártire.

**Lectio iv.**

**Q**uod vobis, fratres carissimi, melius ostendi-

mus, si veteris instrumenti victoriam, quæ per mulierem facta est, ad memoriam revocemus. Nam ut paucis verbis sacra comprehendantur historia, Debbóra Prophétis uxor Lápidoth, judicabat populum illo tempore, et sedebat sub palma inter Rama et Bethel, in Monte Ephraim: ascendebantque ad eam filii Israél in omne iudicium. Sed sic ad exitum celèrius pervenitur, si dum historia texitur, per partes interim exponatur. Per Debbóram sane, quæ loquela, sive apis interpretatur, prophetia non inconvenienter accipitur. Apis quippe mellificat, et de prophetia per Psalmistam dicitur: Quam dulcia faucibus meis eloquia tua. Dómine, super mel et favum ori meo. Interim nolo vos lateat, dilectissimi, quia historia hæc, quam tractandam ex occasione suscepimus,

mus, pluribus indiget verbis, quia multis est repleta mysteriis: sed eam idcirco sub brevitate contrahimus, ut dilectionem vestram prolixitatis tædio non gravemus.

**R.** Lux perpétua lucébit sanctis tuis Dómine, \* Et æternitas temporum, allelúja, allelúja. **V.** Lætitia sempiterna erit super capita eorum, gaudium, et exsultationem obtinebunt. Et æternitas.

**Lectio v.**

**C**onsideremus itaque, ubi sedem habere propheta describitur, videlicet sub palma, quia quos prophætica doctrina suis institutionibus erudit, ad palmam supernæ vocationis adducit, dumque per eam homines vivendi ordinem discunt, vitiórum rebellantium victores fiunt. Nec prætereundum, quod inter Rama et Bethel sedisse perhibetur. Rama siquidem excelsa, Bethel do-

mus Dei, sicut jam diximus, interpretatur. Recte igitur Propheta inter Rama et Bethel habitare describitur; quia quisquis prophætici studet invigilare doctrinis, quisquis sacrarum scripturarum sincere vacat eloquiis, sic in domo Dei per desiderium mentis inhabitet, ut non infima, et momentanea, sed excelsa potius, atque celestia semper inquirat.

**R.** In servis suis, allelúja. \* Consolabitur Deus, allelúja. **V.** Judicabit Dominus populum suum, et in servis suis. Consolabitur.

**Lectio vi.**

**H**æc vocavit ad se Barach, porro Barach interpretatur coruscatio. Coruscatio autem habet quidem lucem, sed non diutius permanentem: mox enim ut lucere incipit, illico deficit. Barach igitur iste Israeliticæ populi figuram tenet, qui primus omnium prophæ-

**In III. Nooturno.**

**Lectio sancti Evangelii secundum Matthæum.**

**Lectio vii. Cap. 10.**

**I**n illo tempore: dixit Jesus discipulis suis: Cum persequentur vos in civitate ista, fugite in aliam. Et reliqua.

**Homilia sancti Petri Chrysologi.**

**Sermo 101.**



**V**obis autem dico amicis meis, ne terreamini: quia libertatem probat virtus, metus indicat servitutem: nam liber ad gloriam, servus natus est ad timorem. Mérito ergo ad Dei amicitias sublimatur, qui propter Deum humanas despicit mortes, nescit timores. Si amicos morum facit imitatio, morum similitudo conjungit: convenienter eos amicos vocat Christus, quos imitatione sua mundi jacula et ipsam mortis formidinem conspiciet et prævidet calcaturos. In. Glória Patri. In.

ticis instructus oraculis, aliquantulum quidem in accepta lege refulsit, sed brevi tempore coruscavit, in lege quippe, de qua dictum est: Lucerna pedibus meis verbum tuum Dómine, lumen semitis meis; antiquus ille populus lucere cœpit, sed desiit. Coruscum quasi claræ vitæ protulit, sed in lucidis operibus non permansit. Nam dum dicerent: Omnia quæ præceperit nobis Dóminus, et audiemus, et faciemus, ecce quasi lux coruscationis exorta: sed dum repente curvarent genua ante Baal, ecce coruscatio videbatur extincta.

**R.** Filiae Jerusalem, venite et videte Mátyres cum coronis, quibus coronavit eos Dóminus \* In die solemnitatis et lælitiæ, allelúja. **V.** Quoniam confortavit seras portarum tuarum, benedixit filios tuos in te. In. Glória Patri. In.

**R.** Ego sum vitis vera, et vos pálmities, \* Qui manet in me, et ego in eo, hic fert fructum multum, allelúja, allelúja. **V.** Sicut diléxit me Pater, et ego diléxi vos. Qui.

## Lectio viii.

**V**obis autem dico, id est, non ómnibus, sed amicis. Vobis autem dico, quos mors absolvit ista, non finit. Vobis dico, quos córporis resolutio prómovet ad mélius, non transducit ad pœnam. Vobis dico, quibus morte vita inchoatur, non finitur. Vobis dico, quorum mors pretiosa fit, non sui qualitate, sed causa; dum vitæ magis lucra invenit, quam vitæ perdat usúram. Sed audiámus, quid dicat amicis suis: Ne terreámini ab his, qui occidunt corpus. **R.** Cándidi facti sunt Nazaræi ejus, allelúja. Splendórem Deo dedérunt allelúja. \* Et sicut

lac coagulati sunt, allelúja, allelúja. **V.** Cándidióres nive, nitidióres lacte, rubicundióres ébore antiquo, sapphiro pulchrióres. Et sicut. Glória Patri. Et sicut.

## Lectio ix.

**A**udiant, qui de bono mortis véterum vetústa volúmina detrivérunt, nihil tamen inde cápere virtútis, aut consolationis áliquid invenire valuérunt. Quis hómini, quis sapiénti dicat: Mori natúræ est, necesse est deperire? Nobis vixerunt véteres, vivimus nos futúris, nemo sibi. Quod non potest tolli, velle, virtútis est. Súscipe voluntárius, ad quod urgéris invitus. Mors ántequam veniat, non est; cum autem venerit, venisse nescitur. Nec ergo amisisse te dóleas; quod cum amisseris non dolébis. **T**e Deum.

Die 16. Maji.

**S. Joannis Nepom. Marl.**

Duplex.

Oratio.

**D**eus, qui ob invictum beáti Joánnis sacramentále siléntium, nova Ecclésiám tuam mártýrii coróna decorásti: da nobis ejus intercessióne et exémplo, linguam caute custodire; ac ómnia pótius mala, quam animæ detriméntum in hoc sæculo toleráre. Per Dóminum.

Pro com. præc.

**Ant.** Hic vir despiciens mundum et terréna, triumphans, divitias cœlo cóndidit, ore, manu.

**V.** Justum.

Oratio.

**D**eus qui ad christiánam páuperum eruditiónem et ad juvéntam in via veritátis firmándam, sanctum Joánnem Baptistam Confessórem excitásti et novam per eum in Ecclésia familiam

collegísti: concéde propitiús; ut ejus intercessióne et exémplo, stúdio glóriæ tuæ in animárum salute fervéntes, ejus in cœlis corónæ participes fieri valeámus.

Ultimo com. s. Ubaldi E. C.

**Ant.** Sacérdos et Póntifex et virtútum ópifex, pastor bone in pópulo, ora pro nobis Dóminum. **V.** Amavit.

Oratio.

**A**uxílium tuum nobis, Dómine, quæsumus placátus impénde: et intercessióne beáti Ubaldi, Confessóris tui atque Pontíficis; contra omnes diaboli nequítias, dexteram super nos tuæ propitiatiónis exténde. Per Dóminum.

In I. Nocturno Lect. de Script. occur.

In II. Nocturno.

Lectio iv.



Joánnes, Nepomúci Bohémiae ópido, unde Nepomucéni cognómen

duxit, a paréntibus ætate provectis, non sine futuræ sanctitatis præsigio, flammis supra nascentis domum mirabiliter collucéntibus, ortus est. Cum infans in gravem morbum incidisset, beatæ Virginis ope, cui natum paréntes referébant acceptum, e vitæ periculo evásit incólumis. Egrégia indole, piæque institutione cœlestibus iudiciis obsequente, inter sanctas religiosasque exercitatioes pueritiam egit; nam ecclésiã frequenter adire, ac Sacerdótibus ad aras operántibus ministrare in deliciis habébat. Zatécii poliórius litteris ad humanitatem informatus, Pragæ vero gravióribus disciplinis excultus, philosophiæ, theologiæ, sacramentumque Cánonum magistrum et láuream eméruit. Sacerdótio initiatus, atque a scientia sanctorum ad lucra animarum rite comparatus, ministé-

rio verbi Dei se pénitus addixit. Cum igitur in vitis extirpandis, et revocandis in viam salutis errántibus, eloquentia et pietate úberes éderet fructus, inter Canónicos metropolitánæ Ecclésiæ Pragénsis cooptatus. mox sibi demandatam Evangelii coram rege Wencesláo quarto prædicandi provinciã suscepit. eo succésu, ut Joánnis suásu multa rex fáceret, magnóque in honore ejus virtutes habéret. Conspicuas tamen, quas ille obtulit dignitates, Dei servus, ne a divini verbi præcónio avocarétur, constantissime recusávit.

**R.** Lux perpétua lucébit sanctis tuis Dómine.  
\* Et æternitas temporum, allelúja, allelúja. **V.** Lætítia sempiterna erit super cápita eórum, gáudium et exultationem obtinébunt. Et.

#### Lectio v.

**R.**égiis illum elemosynis in páuperes ero-

gándis præfectum, Joánnã reginã conscientiæ sibi moderátorem adscívit. Cum autem Wencesláus ab officio institutóque decessisset, atque in vitia præceps abriperétur, piæ autem conjugis obtestationes et mónita gravate ferret, contèndere ausus est, ut in sacramentali iudicio Sacerdóti crédita reginæ arcána sibi a Joánnã panderéntur. At Dei minister blanditiis primum, tormentis deinde et cárceris squalóre tentátus, nefáriæ regis cupiditati fórtiter óbstetit. Furéntem tamen Wenceslái ánimum cum ab execrándo propósito nec humana nec divína jura deterrérent, suprémum agónem, quem instáre sibi athléta Christi nóverat, pópolo in concióne de impendéntibus étiã regni calamitatibus admónito, non obscurè prænuntiávit. Mox Bolesláviam profectus, ad

beatæ Virginis imáginem antiquo cultu célebrem cœlestè præsidium ad certándum bonum certámen effúsis precibus implorávit. Inde vespere reverténtem in pervigilio Domínicæ Ascensiónis rex e fenestra conspicátus arcessit: cumque vehementius urgéret, et próximam in aquis, si oblectári pérgeret, submersiónem intentáret, Joánnes invicta constantia terróres mínasque refutávit. Itaque regis império in Moldávã, flumen Pragam intérfuens, noctu dejéctus, illústrem martyrii corónam est consecútus.

**R.** In servis suis, allelúja. \* Consolábitur Deus, allelúja. **V.** Judicábit Dóminus pópulum suum et in servis suis. Consolábitur.

#### Lectio vi.

**S.**acrilegum facinus clam patrátum et mártiris glóriã in signo prodígium divinitus patefécit.

Ubi enim exánime corpus secúndo flúmine vehi cœpit, ardentes faces aquis supernatantes et discurrentes apparuerunt. Quamóbre ex aréna postrídie mane corpus delátum canónici deinde, regis iram nihil tímentes, in metropolitánam ecclésiám solémni pompa intulerunt, et sepultúræ mandarunt. Cum autem in dies invícti sacerdotís memória miraculis et máxima fidélium, eórum præcipue, qui fama periclitántur, venerátione creósceret, post annos demum ámplius trecéntos in jurídica recognitione córporis, quod sub humo támdiú jacuerat, língua ejus incorrúpta et vívida reperta est, quæ sexto post anno iudícibus a sede apostólica delegátis exhibita, novo prodigio repénite intúmuit, et subobscúrum rubórem in purpúream commutávit. His itaque aliisque signis rite pro-

bátis, Benedictus decimus tertius pontifex maximus die decima nona mensis Mártii anno salutis millésimo septingentésimo vigésimo nono primum hunc sacramentalis sigilli assertórem, arcáni fidem sángine obsignántem, sanctorum mártýrum catálogo adscripsit.

**R.** Fíliæ Jerúsalem venite et videte Mártýres cum coronis, quibus coronávit eos Dóminus. In die solemnitátis, et lætitiæ, allelúja. **V.** Quóniam confortávit seras portárum tuárum, benedixit filios tuos in te. In. Glória Patri. In.

In III. Noct. Homilia in Evang. Nihil est opertum de communi unius M. extra temp. Pasch. 3. loco.

Pro s. Ubaldo E. C.

Lectio ix.

U**B**áldus, Eugúbii in Umbria nóbili genere natus, a primis annis pietáte et lítteris egrégie est institútus; jamque

adoléscens, ut uxórem dúceret, sæpe tentátus, numquam tamen a propósito servándæ virginitátis recessit. Sacerdos effectus, patrimonium suum paupéribus et ecclésiis distribuit. Canonicorum regulárium ordinis sancti Augustíni institútum suscipiens, illud in pátriam tráns tulit. Ab Honório secúndo summo Pontífice ecclésiæ Eugubínæ invitus præficitur, et episcopális consecrationis múnere decorátur. Factus forma grégis ex ánimo, de consuéta vivéndi ratióne nihil ádmodum immutávit, et in omni virtútum genere enítuit. Diútius infirmítatibus afflictus, Deo indesinéter grátias agébat. Quum multis annis ecclésiám

sibi commissam summa cum laude gubernásset, sanctis opéribus et miraculis clarus, quíevit in pace.

Te Deum.

In Laud. pro com. s. Ubaldi E. C.

**Ant.** Euge serve bone et fidélis, quia in pauca fuísti fidélis, supra multa te constituam, dicit Dóminus. **V.** Justum. **Oratio** Auxilium.

V. a cap. de seq. com. præ.

**Ant.** Sancti et justi in Dómino gaudete, allelúja, vos elégit Deus in hereditátem sibi, allelúja. **V.** Pretiósá. **Oratio.** Deus qui ob invictum.

Deinde com. s. Ubaldi E. C.

**Ant.** Amávit eum Dóminus et ornávit eum, stolam glóriæ induit eum et ad portas paradisi coronávit eum. **V.** Justum.

**Oratio** ut supra.





## INDEX.

	Pag.
Geroldi C. dupl. 19. Aprilis.	7
Joannis Nepomuceni M. dupl. 16. Maji.	29
Translatio s. Cassiani E. M. dupl. 1. class. cum oct.	
Sabb. ante Dom. II. post Pascha.	11
— — Feria II. infra oct.	17
— — Feria III. infra oct.	21
— — Sabbato, in die oct. dupl. maj.	25
Ubaldi E. C. com. 16. Maji.	32



## INDICES

### I

## INDEX PSALMORUM NUMERICUS

Psalmus	pag.	Psalmus	pag.		
1	Beatus vir . . .	43	24, iii Oculi mei . . .	145	
2	Quare fremuerunt . . .	44	25	Judica me . . .	188
3	Domine, quid . . .	94	26, i	Dñs illuminatio . . .	107
4	Cum invocarem . . .	77	26, ii	Exaudi, Domine . . .	108
5	Verba mea . . .	92	27	Ad te, Domine . . .	108
6	Dñe, ne in furore . . .	122	28	Afferre Domino . . .	93
7, i	Dñe, Deus meus . . .	122	29	Exaltabo te . . .	90
7, ii	Justum adjutorium . . .	123	30, i	In te, Domine . . .	110
8	Dñe, Deus noster . . .	45	30, ii	Miserere mei, Dñe . . .	111
9, i	Confitebor tibi . . .	46	30, iii	Quam magna . . .	111
9, ii	Psallite Domino . . .	46	31	Beati quorum . . .	113
9, iii	Ut quid, Domine . . .	47	32, i	Exsultate, justi . . .	114
9, iv	Exsurge, Domine . . .	48	32, ii	Beata gens . . .	115
10	In Domino confido . . .	48	33, i	Benedicam Dñm . . .	210
11	Salvum me fac . . .	165	33, ii	Venite, filii . . .	210
12	Usquequo . . .	165	34, i	Judica, Domine . . .	128
13	Dixit insipiens . . .	84	34, ii	Surgentes testes . . .	128
14	Dñe, quis habitabit . . .	85	34, iii	Confitebor . . .	129
15	Conserva me . . .	165	35	Dixit injustus . . .	223
16	Exaudi, Domine . . .	85	36, i	Noli æmulari . . .	130
17, i	Diligam te . . .	86	36, ii	Melius est . . .	130
17, ii	Misit de summo . . .	87	36, iii	Os justi . . .	131
17, iii	Et dedisti . . .	88	37, i	Dñe, ne in furore . . .	132
18, i	Cæli enarrant . . .	101	37, ii	Amici mei . . .	132
18, ii	Lex Domini . . .	101	38	Dixi: Custodiam . . .	133
19	Exaudiat te . . .	89	39, i	Exspectans . . .	151
20	Domine, in virtute . . .	90	39, ii	Annuntiavi . . .	152
21, i	Deus, Deus meus . . .	275	39, iii	Confundantur . . .	152
21, ii	Circumdederunt . . .	276	40	Beatus qui . . .	154
21, iii	Qui timetis . . .	276	41, i	Quemadmodum . . .	155
22	Dominus regit me . . .	233	41, ii	Ad meipsum . . .	155
23	Domini est terra . . .	101	42	Judica me . . .	135
24, i	Ad te, Dñe, levavi . . .	144	43, i	Deus, auribus . . .	157
24, ii	Dulcis et rectus . . .	145	43, ii	Nunc autem . . .	158